

SARS YI TEKA KU TIVONELA EHENHLA KA COVID-19 EMARHAVINI NA TINDHAWU TO NGHENA HI TONA

PRETORIA, Nsoto ti 8 Nyenyankulu 2020 – Vukorhokeri bya Xibalo bya Afrika-Dzonga (SARS) byi tivisile leswaku byi le ku tekeni ka matshalatshala yo hlaya yo tivonela ku tihlamulela eka nxungeto wa ntluleto wa mavabyi ku suka eka Novel Coronavirus (COVID-19).

Khomixinara Edward Kieswetter u vurile leswaku migingiriko ya SARS ya xibalo, khasitomo na ekisayizi yi ta ya emahlweni hi ntolvelo emarhavini hinkwawo ya SARS, tihofisi na tindhawu to nghena hi tona. Maendlelo lama ya longoloxiwile na no seketela matshalatshala man'wana lama tekiweke hi Ndzawulo ya Rihanyu.

Marhavi hinkwawo ya SARS ya ta endla leswaku switola swa swidlayaswitsongwatsongwana emavokweni swi va kona eka vahakelaxibalo lava endzelaka marhavi ya hina. SARS yi ta tlhela yi tiyisisa leswaku tindhawu hinkwato to tirhela na vukorhokeri leti khomiwaka hi mikarhi yo tala ti tshama ti basile hi ku tirhisa swakuhlantswa swo hlawuleka. Vuxokoxoko byi ta tlhela byi averiwa na vahakelaxibalo eka magoza ya masungulo ku sivela hangalaso wa COVID-19.

Ku engetelela, Khomixinara wa SARS u vurile leswaku, "Emavhikini matsongo lama nga hundza, SARS yi endlile leswaku switirho swo tisirhelela swa munhu swi va kona eka vatirhi va Khasitomo eka tindhawu hinkwato to nghena hi tona, ku katsa na swipfalanghohe, swimandlamandla, ku katsa na switola swa swidlayaswitsongwatsongwana leswi fambisana na Swiletelo swa Mfumo wa Rixaka"

Vatirhi va SARS va Khasitomo va ta tlhela va seketeriwa hi vatirhi va swa rihanyu lava nga ta kambela vaendzi lava nghenaka eAfrika-Dzonga.

Vatirhi va SARS va le ku tihlanganiseni na vulawuri bya Khasitomo ku suka eka matiko akelana ku avelana vuxokoxoko mayelana na ntungu wa COVID-19 na magoza yo hunguta nxungeto wa ntluleto wa mavabyi.

"Ndzi kombela vahakelaxibalo na vaxavisi hinkwawo ku tekela enhlokweni vuxokoxoko lebyi nga kona ku sirhelela rihanyu na nhlayiseko wa vona. Hungu ra nkoka eka vatirhi va hina, ku katsa na vahakelaxibalo, vaxavisi, vaendzi hi leswaku va nga chavi, kambe va tihlayisa no tekela van'wana enhlokweni.

"Hi ku ya hi mhaka leyi, ku endla vutihlayisamiri hi xiyimo xa le henhla, ngopfungopfu eka ku hlamba mavoko nkarhi na nkarhi; ku hunguta ku qhavulana na marendzo no tshama endlwini loko va tshuka va hlangane na swikoweto swa mukhuhlwana."

"Hi lava ku tiyisa nakambe vahakelaxibalo, vaxavisi, vaendzi hinkwawo leswaku SARS, kun'we na tindzawulo tin'wana ta mfumo, swi le ku tekeni ka xiave eku tihlamuleleni ka xitsongwatsongwana xa COVID-19.

SARS yi ta nyika mimbhurisano ku ya emahlweni laha swi faneleke.